

胎產秘書

宣統辛亥秋月
上海書局石印

胎產秘書序

易曰天地絪縕萬物化醇男女構精萬物化生是胎產本人道之常善自保衛雖勿藥可也至不得已而用藥其寒暑燥濕致病之由雖與常人同而補瀉溫涼治病之法則與常人異自非專門名家烏能辨析精微而所施輒當考自唐宋迄今以是著名者首推咎殷張傑郭稽中陳自明諸人其撰述俱卓卓可垂不朽復有姓字失傳而其書則為世所寶者如千金良方濟陰寶鑑諸集著論裁方準繩其備洵足稱產科正宗第合覽諸編則備臻其美分觀一集祇各盡所長惟前明越中有錢氏者曾遇異人得授秘書遠近賴以保全者甚眾厥後子孫世守其業視書若家寶然外人欲一假觀弗可得也迨我朝康熙間其族裔始竊示所親遂有錄之以付剞劂者其書分胎前臨產產後三門察肥瘦強弱之體定安胎保產之方條分縷晰開卷瞭然信能綜諸家之所長而折衷於至當者也便是編盛行於世則素知方脉者固可參觀而得其變通即未習岐黃者亦可按方以拯其緩急語云一味之甘期與人共余既幸窺秘奧詎忍私作家藏爰付棗梨以貽遠邇并素所得經驗數方亦附於後倘得是書者輾轉流通俾傳弗絕則於天地大生之德國家化育之經當亦不無小補云爾時道光辛卯仲冬善化翁元鈞石洲氏序於合浦官署

歲丁亥予承乏鼇江公餘之暇檢拾書笥得友人持贈長沙翁蘭畦廉訪重刊越中錢氏胎產秘書分為胎前產後臨產三門翻閱之餘覺其條分縷晰綜括精微誠為產科寶鑑遂印刷五十部分送邑之海濱俾產症者得有準繩可以按方拯救是夏丙子陡患半產適因公在鄉寄語多服生化湯越日返署血崩不止形脫氣促幾瀕于危急檢方用加參生化湯連進數劑而崩乃止惟體氣素虧寒熱交作口渴汗多次日仍用生化湯原方倍加當歸參氏日服一劑並以參麥散代茶不數日而愈丙子歷胎既多胎產一道予聞之熱矣是書也屢試屢驗因思海濱僻壤一時何得良醫即有一二知藥而陡龍倉猝恐亂投劑貽悞不淺是書開卷了然惟體之強弱症之寒熱當從細斟酌照各方加減服之是所至要用再損資印送以廣流傳

皖太小齋氏謹綴數語附于篇末

右胎產祕書三卷予

先大父石洲公所增輯也先大父素善岐黃於婦科尤精歷任甘省靈台通渭等邑民間有患病者皆問症開方施藥以濟邑中德之嗣先伯雲濤公筮仕粵東迎養合浦縣署先大父猶施行不倦並刊送此書多歷年所凡胎前產後遵法調治大有效驗本宦遊閩省距梓鄉數千里之遙

此板不能攜帶幸行篋中有全書一部因
重刻以貽遠近俾先人救世婆心至今
不朽工既竣爰恭綴數語以附簡末

同治四年歲次乙丑孟冬
孫學本敬跋於侯官公廨

漢書藝文志有婦人嬰兒方十九卷今已
亡史記扁鵲傳云扁鵲名聞天下過邯鄲
為帶下醫入咸陽為小兒醫然所受長桑
君禁方亦不傳於世嗣後醫家方愈多有
驗有不驗求其皆無灾無害以長以遂何
可得耶 翁蘭畦大令以其令祖所刊越
中錢氏胎產祕書復付梓以廣其傳體好
生之德推保赤之心胞與為懷斯民之父

母也蘭畦勉乎哉同治乙丑秋九月下澣
撫閩使者徐宗幹序

胎產祕書

越中錢氏原本

善化翁元鈞石洲氏增刊

男忠濬

孫孝榮

全校

上卷目錄

胎前總論

胎漏下血

子淋

子煩

子瘡

熱症

胎漏腹痛欲瀉

兩目不明顳項腫滿

心煩腹脹百節酸痛小便閉澀

轉胎

胎前禁藥歌

惡阻

漏胎

子腫

子嗽

外感風寒

因怒滿悶

胎驚心悸氣促脹痛不安

遍身刺痛喘滿

半產

瘦胎方不可服辯附保產無憂湯

附增異症

附增胎形

學本重刊

胎動不安

跌撲動胎

子滿

子瘡

霍亂吐瀉

小腸重墜作痛

下痢

小腹虛脹閉滯

頭旋目暈痰壅將危

因失血類中風症

腹中兒啼

中卷目錄

臨產總論

臨產脉法

楊子建十二難論

將產昏倒

交骨不開

死胎不下

胎衣不下

胎衣不下調護法

既產調護法

集催生諸方

王叔和難產生死歌

新產禁補

下卷目錄

產後總論

生化湯論

惡路

產後用藥十誤

胞衣不下

產後血暈

產後厥逆

暈厥總論

產後血崩

產後類傷寒三陰症

產後類傷寒三陽症

產後類中風瘧症

產後類瘧

產後汗出

產後氣短發喘

產後咳嗽

產後譫語

產後怔忡驚忡

產後忿怒

產後傷食

產後泄瀉

產後痢症

申論瀉痢十方

產後嘔逆

產後霍亂

產後膨脹

產後口渴兼小便利

產後便數淋症

產後傷脬小便淋數不止

產後水腫

產後熱蒸成勞瘵症

產後心腹痛

產後遍身疼痛及腰小腹痛

產後乳疽乳癰

產後流注

陰門腫痛

陰門突出

乳汁不通

下物如茹

陰挺下脫

附保嬰要訣目錄

夢生

臍風

護兒法

附經驗各方目錄

治喉藥方

瘡疾方

消乳

下物如帕

產後總三方

拭口法

喂口

稀痘方

瘡疾三方

牙痛方

產後諸異症

下肉線

斷臍法

哺乳法

痢疾三方

孫真人藥酒方

下物如鉢

乳懸

米牙

夜啼

久瘡方

靈通萬應丹

加味參橘飲 人參一錢 白朮二錢 砂仁三分 厚樸一錢 橘紅四分 當歸一錢 香附五
甘草三分 姜三片 竹茹一丸 若無力服參去之亦可 一方加夏麴八分

胎動不安

凡妊娠二三月胎動不安者蓋因子宮久虛氣血兩弱不能攝元養胎致令不安欲
墮急服安胎飲以保之若先經墮過者可先服大造丸繼服杜仲丸庶無半產之患
湯氏云半產多在三五七個月如前次在幾個月墮者後必如期復然故當追算
前在三個月墮者須於未墮半月前服清熱養血固胎元之藥數帖以補其虛
五月七月墮者亦俱於未墮半月前預先服藥方保平安此據孕後夾熱者而言
蓋三五七係陽月緣火能銷鑠故也

安胎飲

人參一錢 虛者倍用 當歸二錢 熟地三錢 條芩一錢 川芎七分 白朮二錢

陳皮四分 紫蘇四分 甘草四分 元棗二枚 如虛胞人陳皮去白加川連五分 脾

胃滯瀉加蓮子十粒 砂仁五分 川連炒五分 去熟地黃芩 怒而多瀉加木

香三分 渴加麥冬二錢 怔忡驚悸加棗仁二錢 益智仁一錢 龍眼肉十個

大造丸

紫河車一具 泔水洗淨炙酥 杞子一兩 人參一兩五錢 當歸二兩 麥冬

一兩三錢 天冬一兩 益智一兩 茯苓二兩 五味五錢 熟地姜炒二兩 川膝五錢 山藥

八錢兔絲子鹽水炒四兩川柏鹽水炒共為末煉蜜丸如桐子大白湯送下五十九
杜仲丸 杜仲姜汁炒川斷酒浸各等分為末煉蜜為丸如桐子大空心米飲湯下五
六十九

胎動腹痛

凡妊娠胎動腹痛者其症不一或因飲食冷熱動風毒物或因交感搖動骨節傷犯
胞胎其症多嘔而氣不調或服藥太過血氣相感而急痛宜服順氣補血之藥如加
味安胎飲或如聖散

加味安胎飲

砂仁炒麥冬各一錢人參當歸熟地各二錢條芩一錢陳皮紫

蘇各四分甘草三分白朮一錢五分生用大棗二枚姜三片水煎服此即安胎

飲去川芎加砂仁麥冬凡妊娠元氣不足精神倦怠以致胎動不安或身微熱者並

宜服之必一日兩服方可平安

如聖散

鯉魚皮阿膠當歸川斷各二錢熟地三錢白芍一錢川芎一錢甘草

六分加芋根少許生薑五片水煎空心服

胎漏下血

凡妊娠胎漏經血妄行此是胎息未實或因勞役過度傷動胞胎或因房室驚觸致

今子宮虛滑經血淋漓若不急治日漸胎乾子母不保急服寄生散或參歸飲或阿膠濟陰湯

寄生散 寄生 川斷 阿膠 香附黑 人參 白朮 川芎各等分加姜五片水煎服

參歸飲 人參 當歸 寄生 淮生 淮熟 條芩 香附 茯苓 阿膠各一錢

川芎五分 生甘五分 白芍二分 黃芪一錢半 黃楊葉三片 生姜一片水煎甚者曰進一劑

阿膠濟陰湯 阿膠 白朮各一錢 地黃 白芍 當歸 川芎各一錢 砂仁帶壳五

分 條芩 蘄艾各錢半 香附八分 炙甘五分 粘米一撮 水二湯碗煎至一碗溫服如下血塊加地榆腰痛加杜仲觸患胞胎加金銀花一日一夜三服以防敗血攻心

漏胎

凡受孕之後經血不時點滴謂之漏胎大率以勞傷氣血虛弱之故或因惱怒或受

燂熱物所致宜補中安胎飲 條芩 白朮 人參各三錢 熟地三錢 當歸錢半 白芍一錢 生甘五分

蘇便八分

跌撲動胎

凡妊娠跌撲動胎下血不止急服安胎參蘇飲

參蘇飲 人參 蘄艾 川芎 各三分 當歸一錢 條芩 白朮生用 各二錢 陳皮 紫

蘇 生甘 各四分 阿膠一錢 有外感者加葱白四寸 腹痛減蘄艾加砂仁四分

小便帶血

凡妊娠小便中帶血此緣形體勞苦或過食煖炙之物所致宜清膀胱之火服加味

逍遙散

加味逍遙散 當歸白朮 各二錢 柴胡 白芍 各一錢 丹皮 茯苓 梔子 各七分 生

甘八分 加燈心七莖

子淋

凡妊娠小便淋漓此由調攝失宜酒色過度傷損營衛致令子宮氣虛而然又或下焦有熱而閉塞名曰子淋宜安榮散

安榮散 當歸五錢 滑石一兩 通草一兩 人參三錢 麥冬一兩 細辛一錢 炙草燈心 各

五錢 共為末 每服四錢 白湯下一方 除燈心用燈心湯下

又方用桑螵蛸為末 每服二錢 空心米飲下

又方用陳米淘濃泔頓服之 此方并可治男子癰閉

按此症由飲食無忌熱急膀胱者居多 湯氏用古芎歸湯加木通麥冬人參燈心

甘草滑石治之

子腫

凡妊娠面目虛浮四肢有水氣此名子腫蓋由脾胃虛弱所致宜服全生白朮散或鯉魚湯

全生白朮散 人參一錢白朮二錢茯苓皮八分甘草三分當歸二錢川芎六分紫蘇

陳皮各四分 生姜三片水煎

鯉魚湯 鯉魚不拘大小二三尾洗去鱗用水煮熟去魚每服用湯一大鐘煎後藥服

之 當歸 白朮各五錢茯苓四錢陳皮二錢每服四錢加姜七片投魚湯內煎服以愈為度

湯氏云子腫於五六個月時多有之其或廣大高過心胸氣逆不安此由胎中蓄水所致若不早治必然生子殘疾子母難保宜鯉魚湯仍常煮鯉魚粥食之

子滿

凡妊娠腿膝浮腫脚面足指甚至出水氣促滿悶此由脾虛不能制水血化成水所致名曰子滿又名子氣宜加味天仙藤散如脾氣弱甚宜補中益氣湯兼服

加味天仙藤散 天仙藤洗畧炒六分 木瓜一錢香附六分紫蘇 陳皮各四分

烏藥七分甘草三分水煎虛甚加人參一錢 當歸 白朮各二錢